

վերայ այսր ամենայնի եհաս սուգ մեծ և տարածամ տրտուրութիւն 'ի վերայ ազգին, զի անկաւ հրդեհ 'ի մայրաքաղաքի անդ և յաճիւն դատեաց զբազմաթիւ տունս Հայոց՝ այրեցան նաև Մայր Եկեղեցին, Պատրիարքարանն և Փոխանորդարանն Երուսաղէմի, որով անկան Պատրիարքունք և գլխաւորք ազգին 'ի տարակուսանս, որպէս պատահեալ էր յաւուրս Գրիգորի Շղթայակրի և Յովհաննու Կոլտաի, զի առաջի կայր նոցա հոգալ զբազմաթիւ զաղքատս ժողովրդեան, որք խալառ մերկացեալ էին յամենայն գոյից:

Կիրակոս Եպիսկոպոս գրեաց առ Փոխանորդ Զաքարիա վարդապետ՝ հանել հրովարտակ արքունուստ վասն Առաջնորդութեան Եգիպտոսի, ոչ վասն իւր, այլ վասն ապագայ ժամանակին, զի արձանագրութիւն ինչ գտցի 'ի դիւանն, զի ինքն հանգիստ էր շնորհիւ Փոխ Արքային Մէհէմմէտ Ալեայ. թէպէտ նա ետ պատրաստել ազերասաղիր 'ի Գուսըն, զորոյ զպատճէնն ընթերցեալ իսկ եմ, թէ մին 'ի վիճակաց Երուսաղէմի է Եգիպտոս, այլ յետոյ յո՞ր եզանակ շրջեցաւ խնդիրն չէ յայտ:

Հուսկ ուրեմն ժամ պարապոյ գտեալ խորհրդով և կամօք ազգին գրեցին Պատրիարքունք Գաբրիէլ, Կարապետ և Պօղոս առ Խորհրդականս Աթոռոյն և առ նոյն ինքն Եղիա Եպիսկոպոս ('ի 11 Օգոստոսի) թէ գաղարեալ է նա ոչնուհետեւ 'ի պաշտօնէ իւրմէ. յանձնել զամենայն իրս փոխանորդութեան Խորհրդականաց, և գնալ յԵդոկիա եւ կամ 'ի Կեսարիա, և մնալ անդ. զայսոսիկ գրեանս բերեալ մատուցին անձամբ Նախիպն և Գաբապետն, և ընթերցեալ Եղիայի եցոյց ուրախութիւն մեծ, և գոհութիւն զազգէն, որ ազատեաց զինքն 'ի վշտաց, և յանձն էառ գնալ 'ի սահմանեալ տեղիս, որպէս և ինքն յայտ առնէր 'ի գրի իւրում առ Ազգապետս. ապա յանձն արար զինքք փոխանորդութեան և զբանալի փոխանորդարանին, և զամենայն ինչ որ ընդ իշխանութեամբ նորա էր. բայց առմարք, հրովարտակք, մուրհակք և այլ սոցին նման իրք՝ էին 'ի խորհրդարանն (յ30 Հոկտեմբերի). և ապա գրեաց 'ի թղթի զէլ և զմուտ երկց ամաց Աթոռոյն 'ի ժամանակս իշխանութեան իւրոյ, և ետ կնքել զայն Խորհրդականաց և